



# მართალი

იუმორისტ. ჟურნალი

№ 28

გამოვა დრო-გამოშვებით. წერილები და ფული გამოიგზავნება:  
თიფლის, ტიპოგრაფია შრომა, გეოფილუ ბოლკვაძე.

## რუმის აგზაგზი

6477



### გერმანია და ოსმალეთი

გერმანელები.

წამოღით ჩვენთან ოსმალებო!  
დავიწყეთ ომი;  
შევმუსროთ მტერი,  
ვაფაზროთ კეთილის მდომი.

ოსმალები.

რა ვინდათ ჩვენგან ვერაგებო,  
გაგვიშვი ხელი!  
აღლოჰჰა მოსკოს თქვენი გვარი,  
თქვენი სახელი.



## შერანია და მსგალოთი.

(მიწერ-მოწერა):

გერმანიამ უთხრა თათარს:  
ყური მიგდე ალიაო!  
ჩემი აგრე დასუსტება  
ყველა შენი ბრალიაო.

სურსათით გამოვიტენე  
ბედელი და ნალიაო,  
საომარი იარაღიც  
მოგეცი დიდ-ძალიაო.

ორი გემი გიწყალობე  
(ორივე ახალიაო),  
რომელსაც რომ მაგ მხარეში  
აღარც კი ჰყავს ცალიაო!

როცა წელი გაიმაგრე  
და მოგეცა ძალიაო,  
ეხლა ომი აღარ გინდა  
სამასხაროთ გცალიაო?!

შენი სისხლი—ჯოჯოხეთის  
ტარტაროშია დალიაო,  
გასაქირში რომ არ მშველი  
განა სამართალიაო?!

ოსმალეთმა უბასუხა:

მეგობარო ვიდგემოვო!  
მეშინია—ვაი თუ რომ  
ვასაქირი ვიგემოვო.

შენ ქონებით მდიდარი ხარ  
მხედრობაც გყავს ქებულიო,  
მე კი მუდამ მშიერი და  
მუდამ დამარცხებულიო.

აღარ მინდა კიდევ გავხდე  
დიდი მსხვერპლის მნახელიო,  
ჯარი ჩემი დაიხოცოს  
და შენ დაგრჩეს სახელიო?!

არა, მაგას ვერ ვიკისრებთ  
სურვილით და ნებითაო.  
(მე ხომ შენებრ არ ვამაყობ  
დიდი ზარბაზნებითაო?!)

თუმცა ძალზე მდიდარი ვარ  
შენი აფიცრებითაო,  
მათი კანონ-წყესებითა  
და მათი დავთრებითაო,  
მაგრამ ომში საბრძოლველათ  
საქიროა სალდათიო,  
(სხვისი რწევით არ დავდივართ  
ჩვენ ისე გვაქვს ადათიო).

თუ რომ მაინც გამოვიყვანთ  
ძალათ საბრძოლველათაო,

მაინც ისე დავმარცხდებით  
როგორც მუდამ ძველათაო.  
ჩვენი ჯარი რუსის ჯართან  
გაიმარჯვებს ძნელათაო.  
(მხოლოდ ისე გამოვდგებით  
საზღვრის დასაცველათაო).

ოსუნჯი.

## მკითხველს.

დღევანდელმა ომმა მთელი ქვეყნიერობა ააფო-  
რიაქა და სხვათა შორის ჩვენს ჟურნალზედაც მო-  
ახდინა თავისი გავლენა: თანამშრომლები და მკით-  
ხველები ბრძოლის ველზე წავიდნენ, გამომცემელს  
ქანქარი შემოელია, რედაქტორი შიშისაგან და-  
მუნჯდა, ქალაქ-მელანი გაძვირდა და ვაი-ვაგლა-  
ხით რაც დავბეჭდეთ ბოლო ხანებში—ის კიდენ  
ჩვენმა აგენტებმა მიითვისეს, ანგარიშს აღარ ასწო-  
რებენ—ომიაო. დასწყევლოს ღმერთმა, ეს რა ხანა  
დაგვიდგა. თავდაღმა დასაკიდა ვილჰელმია თუ ვი-  
ლაც მგელია, რომ ასე აურია ქვეყნიერობას თავი  
და ბოლო. ჩვენ გვეგონა (და სხვებიც) ასე ჰქი-  
რობდა) ეს საშინელი სისხლის ღვრა მალე გათავ-  
დებოდა და ჩვენს ჟურნალსაც დაუდგებოდა თავი-  
სი სიცილის ხანა, მაგრამ მოვსტყუვდით და რო-  
გორც სჩანს ომს ბოლო არ უჩანს ამიტომ გადავ-  
სწყვიდეთ—დრო-გამოშვებით მაინც გამოვცხმაურით  
ჩვენს მკითხველებს და თანამშრომლებსაც მოუწო-  
დით ჩვენსკენ. დღე ვაიგონ მტრებმა—ჩვენც ბრძო-  
ლის ველზედ ვართ გამოსული და იარაღიც ხელში  
გვიჭირავს.

მათრახოსანი.

## ღამეა, ბნელა...

მზე ჩაიწურა, დაღამდა, ბნელა,  
ცა ოთხივ-კუთხივ გრგვინავს—გრიადლებს  
ლომი ლომს ეცა, არწივი არწივს—  
შავი ყორანი ლემს დასტრიალებს!

ღამეა, ბნელა, ძმა ძმას ვერა სცნობს  
და ამ სიბნელით საარგებლობს მტერი,  
მშობელი მიწა იძვრის—ირყევა,  
დაკოდილ მებრძოლს მიხდია ფერი.

ღამეა, ბნელა, მთელი სამყარო  
წყვიდას კალთებს ქვეშ მოუწყვდევია,  
დღეა დაქვებს შვილს, რომლის აღზრდას  
დღითა და ღამით გადალევია.

დაძებს, მაგრამ სად ნახავს, ბნელა.  
გაისმის კენესა, ირგვლივ ყველგანა...  
მთვარევე კაშაშავ გამოჩნდი მალე,  
განსაძღვლისგან იხსენ ქვეყანა!..

გ. აბრამიძე.

### გუშინ და დღეს.

გუშინ ბუნება ჰყვავოდა,  
ყველგან სიმშვიდე სუფევდა:  
მთით მოლიკლიკე ნაკადულს  
მდგლო ღურჯ ზეწარს უგებდა.

ამწვანებული კორდ-სერი  
სიოს სისინით სტკებოდა  
და ვარდი ბაგე წითელი  
ბულბულის ეშხით თვრებოდა.

ვაზი ყლორტ შამოქდობილი  
სიყვარულს დამონებოდა;  
სააგარაკოთ ვასული  
ტოლი ტოლს ჩაჰკონებოდა...

ყველა ხარობდა, სტკებოდა,  
ბუნების ეშხით თვრებოდა;  
არავინ გრძნობდა თუ ხვალე  
შავი დღე უთენდებოდა...

დღეს შეიცვალა ყოველი,  
ელვა გამოკრთა ცაზედა;  
გაისმა ქექა-ქუნილი  
გულის შემზარავ ხმაზედა.

სისხლი ჩქევს ბრძოლის ველზედა.  
ჰაერში ტყვია ზუზუნებს  
და სოფლად—ობლად შიენილი  
უმწეოდ მოსთქვამს, წუწუნებს.

რამ შეარყია სიმშვიდე,  
რისთვის, რა მოხდა ნეტავი?

გუშინ ბუნება ჰყვავოდა,  
სიოს სისინით სტკებოდა;  
ვინ იფიქრებდა დღეს იგი  
თუ სისხლით დაითვრებოდა!?

გ. ლადოშვილი.

### ოგის აგბევი

გერმანიის ტენიკა.—ბრძოლის ვითარება.—  
ოსმალეთის შიში.

გერმანიის მთავრობას დღე და დამ არ სძინე-  
ბია და თვისი განვითარებული ტენიკით სულ ხალ-  
ხის სამუსრავ იარაღების მზადებაში ყოფილა. მას

ბევრი ისეთი საომარი იარაღი აღმოაჩნდა რაც სხვა  
სახელმწიფოებს სიზმრადაც არ დასიზმრებია დღემ-  
დე. მაგალითად გერმანელებმა გამოიტანეს ბრძო-  
ლის ველზე 42 სანტიმეტრიანი ზარბაზანი. ეს ზარ-  
ბაზანი ოთხ ნაწილად იშლება და ისე გადააქვთ  
რომელიმე მაგარი ციხის ასაღებათ, სროლილობს  
ნიშანში 60 ფუთიან ყუმბარას 28 ვერსზე და რა  
სიმაგრესაც მოხვდება მტვრად აქცეს. ამას გარდა  
გერმანელებს ჰქონიათ ჯავშნიანი ტყვიის მფრქვე-  
ველი ავტომობილი, რომელსაც იერიშების დროს  
ვაუშვებენ ხოლმე მოწინააღმდეგეთა ჯარში გზის  
ასარეკად, მას ვერ აჩერებს ვერავითარი ძალა და  
მუსრს ავლებს ადამიანს. აგრეთვე აქვთ ერთნაირი  
მანქანა, რომლის საშვალეებით მტრის ბანაკს სულ  
ერთიანად აბნელებენ ბოლით და თითონ კი სარ-  
გებლობენ ამ შემთხვევით. მათვე ჰქონიათ ერ. ო. ნ. ი  
რი რეზინა ფეხზე წამოსაცმელით მდინარეში გასვ-  
ლის დროს, რომლის საშვალეებით ჯარისკაცი მუხლ  
ზემოთ არ ჩადის წყალში და ამ რიგად თოფის  
სროლას არც კი შესწყვედს ისე ვადის მდინარის  
ნაპირზე. აქვთ ისეთი მანქანებიც, რომლის წყალო-  
ბით თხრიან ორმოებს და სწრაფად აკეთებენ ბარი-  
კადებს ჯარის სხვა-და-სხვა ადგილას გასამაგრებ-  
ლად. რასაკვირველია ასეთი საიდუმლო იარაღების  
წყალობით ვიდ ჰგელმს გული საგულეს ჰქონია რო-  
დესაც ომს იწყებდა და გასაკვირიც არის აქნო-  
ბამდე როგორ იყო მშვიდათ განჩერებული.

\* \* \*

მან რაკი იპოვნა მიზეზი ომის დაწყებისა, სწრა-  
ფად, სულ სამ დღეში გამოიყვანა თავისი ლაშქარი  
და შეესია ბელგიასა და საფრანგეთს. ეს უკანასკ-  
ნელები ვერ იყვენ სრულათ მომზადებული საომ-  
რად, რის გამო დამარცხდნენ. გერმანელებმა გადა-  
ლახეს ბელგია, გადავიდნენ საფრანგეთში და თითქ-  
მის სატახტო ქალაქ ბარიზს მიუახლოვდნენ, მაგრამ  
ამ დროს ფრანგებმა მოიკრიბეს ძალ-ღონე, მათ  
მიეშველა ინგლისისა და ბელგიის ჯარი და სასტი-  
კი იერიში მიიტანეს გერმანელებზე, რომლებსაც  
უკან დაახვეინეს, თითქმის საზღვრებამდე მიდნენ,  
მაგრამ იმას იქით კი ძრაც ვერ უყვეს ისე სასტი-  
კად აქვთ გამაგრებული ნაპირები. პირ-იქით გერ-  
მანელებმა ამ ბოლო დროს აიღეს თვისი მძიმე არ-  
ტილერიის წყალობით ბელგიის უკანასკნელი, მე-  
ტად საშინლად გამაგრებული ქალაქი ანტვერპენი,  
საფრანგეთისაკენ მიიწვევენ და პარიზს ემუქრებიან.  
გერმანიამ თავისი სწრაფი მატარებლების წყა-  
ლობით რუსეთის საზღვრებზედაც მოახლოვდა ური-  
ცხვი ჯარი. თავის ტერიტორიაზე კენიგსბერგთან  
გადასულ რუსის ორ კორპუსს თავს დაესხა და

ვანადგურა, ხოლო როდესაც რუსეთის ტერიტორიაზე გადავიდა, რუსებმა მძლავრათ შემოუტყეს და უკან დაახვეინეს, მაგრამ ჯერ-ჯერობით გერმანიას თავისი ტერიტორია მაინც შერჩენილი აქვს თუ მხედველობაში არ მივიღებთ იაპონიის მიერ წართმეულ კუნძულებს.

სამაგიეროთ მისი მოკავშირე ავსტრია სასტიკად დაამარცხა რუსებმა, ბევრი ქალაქები და სოფლები წაართვეს, ბევრი ტყვედ შეიპყრეს და სურსათ-არაღი იგდეს ხელთ.

ბოლო ხანებში გერმანიამ ავსტრიასაც მიაშველა თავისი ჯარი რომლებმაც მკაცრად გაამაგრეს შომაველი ბრძოლის ასპარეზი—კრაკოვი, თითქმის 20 კორპუსს მოუყარეს თავი ამ ადგილას და სიფრხილით მიიწვევენ რუსის ჯარისაკენ.


გერმანიამ ერთბაშად გამოიყვანა თითქმის 4 მილიონამდე ჯარი და ერთ-და იმავე დროს ეომება: ერთის მხრით—საფრანგეთ-ინგლის-ბელგიას, მეორე მხრით—რუსეთს, მესამე მხრით იაპონიას და მიუხედავად ამ ძლიერ სახელმწიფოებთან სასტიკი შეტაკებებისა ის ოსმალეთსაც უგზავნის: საომარ იარაღს, ჯარს, აფიცრებს, სურსათს და თავის საუკეთესო გემებსაც, რომ ანით ოსმალეთს მისცეს სავალდებულო ომის დაწყებისა და მით რუსეთის ძალა შესუსტოს.

\* \* \*

ოსმალეთში თითქმის ომის დაწყებისთანავე შეუდგა მობილიზაციას, ყოველ დღე ემზადება საომართ, ჯარი გამოყვანილი ჰყავს საზღვრებზე და ფლოტი გამზადებული სდგას შავს ზღვაში, მაგრამ ომს მაინც ვერ იწყებს და უწყებანობს. ამის მიზეზი ის არის, რომ ოსმალეთი მეტად გულგატეხილია მრავალხელ დამარცხებითა და არა აქვთ იმედი ბრძოლის მოგებისა, თუცა მათ გერმანია ყოველგვარ გარანტიას აძლევს, მაინც შიშობენ და უკლიან რა ბედი ეწვევა გერმანიას ბრძოლის ველზე. ოსმალეთის ჯარში აფიცრები გერმანელები არიან და ფლოტი სულ გერმანელების ხელშია. გერმანია რომ დამარცხდეს, ადვილი შესაძლებელია ოსმალეთში გაბატონებულ გერმანელებმა არ შეარჩინოს ოსმალეთს თაღლითობა, თითონ დაუწყონ ომი და თავის ნაჩუქარ გემებით „ბრესლაუ“-გემებით ყუმბარები დაუშინონ სტამბოლს.

ვნახოთ რას გვიქაღის მომავალი.

თ. ბ.



## ბრძოლის ველზე...

ცა მოციმციმე განთიადისთვის, —  
მზის ამოსვლისთვის იწმინდებოდა;  
ველოდებოდი... მრწამდა... მეგონა  
დღე ღამის მზგავსი გათენდებოდა;

მაგრამ მოვსტყუვდი... შურის ძიების  
სითგანაც გესლი ვადმოენთხია  
და უგუნრობის მახვილს იარაღს  
ვიღაც მხეცურად კიდევ ემთხვია...

ვხედავ განთიადს, იმავე ცასა  
შავი ღრუბელი ვადართხმევია;  
კეთილისათვის ბოროტებასა  
სიმშვიდის გრძნობა წაურთმევია;

ვხედავ ღრუბელი, შავი აჩრდილი,  
ქვეყნას თავზე წამოსდგომია  
და მისი ჩანთქმა, მოულოდნელად,  
თვის უნებურად, მოუნდომია;

დამწუხრებულა ძირს დედა-მიწა,  
მალლა ბრქვეილა თვით მნათი მზეცა;  
სრულ საიდუმლოს დაუფარია  
მთელი სამყარო, ციმციმა ზეცა...

და ამ შეუცნობ ეამსა თუ დროსა  
ველარ გაუგებ რეული გზები;  
ერთს-ლა ვკითხულობ: ჩემსა განთიადს  
ნეტავი კიდევ, კიდევ შევხვდები!?!  
მიხ. ნინოწმინდელი.

## გურული სცენა

ჩხუბი.

გამოცხადდა ჩხუბი: გეისმა ევროპიაში ზარბაზნების ბრიგინ-ბრიგინი, შეიქნა ხემწიფეების ასვარია-დასვარია... ქე დავკირდით ჩვენც, გააკრეს განცხადება: კანცელარიაზე, საყდარზე, კლასზე და ყველგან სადაც კი გეიკრებოდა—გამოით ვინც დედარები არ ხართო, ვისაც ვული კი გაქვს საგულესო, ვინც არ ხართ კოკლი, თვალ დაფსებული, ყურ დაფსებული, ხელებ და ფეხებ მოჩანჩქვალუბული, ვისაც გიქრის თვალს, გერჩის მუხლო და არ გიქანქალებს ხელი—გამოით ყველამ დაამტკიცეთო თქვენი ბიჭობა და ერთგულებათ...

პაწეი, სულო ცოდვილო, ცოდვა გამქლავნუბული ჯობს, გურულების იმედი მაინცა და მაინც არც კი ქონდენ, თურმე კარგად ჯერ კიდევ ვერ

იციობდენ გურულეებს. მარა გეგეს თუ არა გურულეებმა ჩხუბიაო, ყვი მასო დეიძახეს, ახლა გამოჩდება ჩვენი ბიჭობაო, ახლო დავამტკიცოთ, რომ შინაურთანაც ვიცით ჩხუბი და გარეულთანაც, მარჯენითაც ვიცით სროლა და მარცხნითაცო, შინაურ მტერსაც ვიცნობთ და გარეულსაცო, ბევრი ლაპარაკი და ჩიჩინი აღარ დავგვიტრებია, დივემშვიდობეთ ქალ და ბალანას, დედას და მამას—თუ გვნახავთ ცოცხალს ქე გვნახავთ გულზე ჯვარ-მენდლით ჩარიჩხინებულს და თუ მოვკით ვიცით არ გაიმებთან, მარა რა უყოთ მერე, კაცი ჩხუბში კი არა კერიეს ძირშიც კი კტებოა.

შექნეს ქალებმა ტირილი, ბაღებმა ზღაპინი მარა ჩვენ ვითამც არც გაგვიგონია, ამოვკიდეთ ორახელაი, შემოვძახეთ რაშორერაი და ვისაც გვიწვედა თუ არ გვიწვედა ყველაყაი ჩვედით ბათომში კამენდანტან, მივედით სიმღერით მხიარულათ, არ ელოდა, გუუჟვირდა, იამა, გაგვიცინა, მალადეც გურინცი ნაროდო კვითხა—რადი სტარატია მოვახსენეთ, გაგვიში ვინაა იგი თავ-ავდებული ლემენცი ჩვენს ქვეყანაში რომ არ გვაყენებს, გაგვიში შევასკებით აღდგომის კვერცხსავით, გარეულ მტერთან გიჩვენებთ რაყაი ბიჭებიც ვართო. . . .

— ხორაში, ხორაშიო!! გვითხრეს... ჩვენც მივალთ ახლო და „მშვიდობით მამულო და ვენახო“. უწინ ახლო გაყვანილი სალდათი მღეროდა: „სამ წელიწადს ვერ გნახო“, ახლო დროი და ბორჯი შეიცვალა და იქნებ ჩემო მამულ-დედულო, ჩემო ბალო ბაღჩავ, ყანავ და ვენახო, ჩემო ქალო და ბალანავ, ჩემო ნენავ და ბაბავ, მტერო და მოყვარევ, იქნება სულაც ვერ გნახო, მარა იცოდეთ ტყულათაი თავს არე კაცს შევაკლავ კარგათ ვიცო, რომ ამ გარეულ ჩხუბს შინაური მშვიდობა მოყოლა და საბოლოო გამარჯვება ჩვენი იქნება.

პიტხა.

### მიოხარ ზენავ.

მიოხარ ზენავ, ეს ქვეყანა  
რისთვის ეგრე ორქოფია!  
ზოგს თავს ადგა ეკალ-ნარი,  
ზოგს შუბლს უმკობს ტურფა იაი!

ცა კაშკაშებს, ცა ელვარებს,  
მიმოსურავს ვარსკლავთ გუნდი.  
ძირს ქვეყანა მწარედ სტირის,  
ხელფებს ადევს მძიმე ხუნდი.

ცა ციმციმებს, ცა ბრწყინვალეებს,  
დანავარდობს ბაღრი მთვარე,  
ძირს ქვეყანა კვალად სტირის,  
ცრემლით ირწყვის არე-მარე.

ცა ირთვება, სალაშს უძღვნის,  
მზეს ბრწყინვალეს, მოელვარეს,  
ძირს ქვეყანა მარად სტირის  
ებარება ცივ სამარეს.

ცას ფერხული, ძირს სამარე.  
იქ ზემი, აქ წამება,  
ქვეყნად გლოვა, კბილთა ღრქენა,  
ზეცას ლხინი, ნეტარება!

მიოხარ ზენავ, ეს ქვეყანა  
რისთვის ეგრე ორქოფია!  
ზოგს თავს ადგა ეკალ-ნარი,  
ზოგს შუბლს უმკობს ტურფა იაი!

გოგია.

### მე უანი ვარ, უან ჩემი ხარ.

(კუბლატობა)

სევდისაგან შებყრობილი  
მულამ მოწყენილი ვზივარ,  
არც თეატრში, არც ბაღებში  
გასართობათ არ დავდივარ!  
შენი სახე არ მასვენებს—  
გონებიდან გამოვდივარ,  
მაგრამ ცხადათ კი ვერ გეტყვი:—  
„შენ ჩემი ხარ, მე შენი ვარ“.

რათ მინდა რომ ლამაზი ხარ,  
მულამ რომ ჩემს გულში ზიხარ,  
რომ ბუნებას ეგრე მკვირცხლი,  
მომხიბლავი გაუზღიხარ?!  
რომ შენს მიერ დამწვარს გულზე  
თუ მალამოთ არ მარგიხარ  
და ვერ გეტყვი გაბედულათ:  
„მე შენი ვარ, შენ ჩემი ხარ“.

დარდიანიძე.

### იორდანას დარდი.

(გურული სტეჟობა)

ვაი რა გვეშველება, ჩვენდა წროულს არც  
ყანაა, არც ბაღჩა, არც შეშა, არც წყნელი, არც  
ნდობა და არც ფული; ამას კაბა, იმას პერანგი,  
ხუცესს დრამა, კანცელარიას რასხოდი, ბაგები და  
შტრაფები. ვგნესოდი, მოვსტკვამდი; თურმე მოი-  
ცადე ცოტა, ერთი გიბრძინონ— „ნაპლეო“ და  
გასწორდება ყველაფერი.

გვეიხედღე ჩემი ბატონი შენ ხარ და ვიშოვე ვითომ კვირეს დრო, გვეიწოდინე გადავტრიალდი და ამჟღად საბატონო ხრუნტი.

ქალმა გამოუცხადა ბაღებს ოენი პოლოქენია: ფეხი გააჩრეთ არ გააღვიძოთ მამათქვენი თვარა ვაენი ზაკონით გაგასამართლებთო.

— ეი იორდანავ ქვეყანა იქცევა და შენ გძინავს? ამ წუთში წამოხტა ზედო, — შამომაცვირა ნაცვალმა, წამოვხტი გამოვგჯი, მიწა იძრა და სახლი დამემტვრა თავზე მეთქი ვიფიქრე და მივაყვირე ნაცვალს: ბიჭო რომელი ქვეყანა რას ბრანდავს მეთქი. ჩხუბია ძმამო ჩხუბი და კაცებმა უნდა მოკურცხლოთო. ვიფიქრე ნამდვილათ ახალთაობა შეიბრიალა მეთქი და მივვარდი ამბიზა კანცელარიაზე. დედა თურმე რა შუაში რა კიდეში. რაცხა ცხრა მთას იქით შეფხუკუნებულა და ვინცხაიზა კვანტი გულქნეგია. იმას აგი წახმარებია, ამას იგი და ქე არ ამდგარა საერთო ბდენაი და ამიზა შავამ იორდავ საიქიოსკენ ბერდენაითო. ვაი ბაბუავ კაცის მოკვლა კიარა და ხუთი წელიწადია ქათმისათვის კისერი არ წამიკრია მე განიკებულს. სხვისი არა ჩემი ცოლშვილი არ დამიცავს. აგი უსამართლოებაა, სუდშა ვიჩივლებ მეთქი და მოვში იქით. დედავ რა გახუმბრებს, სუდიას თურმე რახანია ვადუუკაბიწებია, გამოწყობილა კუმოსავით სირმა ფოჩვებით, უუფლიკვინებია ცისნათელასავით ქალი და დუუკავებია საიქიოსაკენ პირი. დედავ მომივიდა გულზე და მივარდი კაპლიზა დოხტურთან, ვაი წავბთი, აგი თურმე თლა გამწარებულთი ყოფილა და ორი დღეა ფეხ და ფეხ მიძუნძულობს იქით თურმე. მოვტრიალდი და აწყაპული თავადები, დვარიანი, ჩინიანი, ჯვარიანი, ვაქრები და მე რავიცი ყველაყაი, ჰაიდა ჰა, მირბიან და იახიან: გუუმარჯოს ომსო. დედავ წამხთარ საქმეზე კარგათ ყოფილა საქმე, აგენი თუ აქანაი არ მრჩება ქალების საარშიყოთ, მომქართ კისერი, მეც ამინუტში თუ არ ვსცოცხო მეთქი. მოვარდი შინ, მივბზილდი მოვბზილდი, დავყარე შინ აფლიკვინებული ქალი, აზინზილემული ბაღენბი, მევალეებს უჩვენე დამუტული-ქეშმარიტი, შეუმცხადე გოგონას შენი ჯვარის წერა პოსლე მეთქი და მუახტი მაშინას ზრუგზე. ჰაიდა ჰა გასწი მაშინავ, გასწი შენი გოგორებით პირდაპირ საიქიოს აგებრიგინებო. ჩენი ცხოვრება კატორღა იყო და ვარესი რა დამემართება, ვაი დედასა აი ვაცხელებული ვინცხას ჩავაღლებ დიქიქოში ჩემს სოკოიანს ხელებს, არ მუახმარ ფენსკოპოზის წირვას, ვინ იქნება იგი, — კორჩხლათ თუ დავბრუნდი და თქვენც შახათ დამხით, მაშინ შეიტყობთ, თვარა და ჩემი თავი და ფეხები იგენს.

მშვიდობით გურიავ, მშვიდობით.

შხანკოლა.

# ლოთის სიმღერა.

არც სახლი მაქვს, არც მამული ვიარები ტიტლოკანა! ირგვლივ ცეცხლი რომ მოედოს და დაიწვას მთლათ ქვეყანა,

რა ზარალში ჩავარდები, რა მაქვს, ან რა მამადია! თუ დაიწვა დამეწვება დაჩინჩული ნამადია!

შემიწირავს გერმანთავის, თუ ჩვენებს დაწყლებათ გული — ბანკებში არ დამიჭირონ ასი მილიონი ფული!

დალიე და დამილიე ჯერ არაყი, მერე ლუდი, ერთი მამა გიცხოვრდება მოიხადე თავზე ქული:

ვადღეგრძელოთ ძმა-ბიჭები „სამშობლოსთვის“ სისხლს რომ ღვრიან, თოფ-ზარბაზნით და ნაღმებით ატეხილ მტრებს შიშს რომ გვრიან!

მაგამ მაინც მტკივა გული — თვის კანში ვერ ეტევიან და ღვთის გაჩენილ ქვეყანას აქეთ-იქით ეწევიან!..

დღეს შენია, ხვალე ჩემი სისხლი რაზე უნდა ვღვარო? დალიე დამაღვიე, გული მეწვის მეგობარო.

გული მეწვის, ზოგს გონია: ქეიფობს და დროს ატარებს! იციან რამ გამალოთა, რამ დამცა და რა მაშწარებს?

არა. და მაშ არ ვაქვთ ნება შესდგქით, ნუ გვძრახავ ლოთებს, ცხოვრების საიდუმლოება ჩვენც გვაწვალეებს, ჩვენც გვაშფოთებს.

ასეთ ქეიფს უსურვებ მას, ვის ხალხისთვის უნდა ავი.

არაყს ბოღმა მოვრია  
უნდა მივლო სადმე თავი

არც სახლი მაქვს, არც მამული,  
ვიარები ტიტლიკანა.  
დღეს აქა ვარ, ხვალე იქა—  
მკბენს, მაწვალებს შავი ხანა!

ვაშა-ბაქურა.

### სცენის მოყვარენი

(ის. „მათრახი“ № 27).

#### XIV

**ვასილი, დიმიტრი, ცრუაძე, ვახტანგი, მაშინკო, კოლია და იასონი.**

**იასონი.** (შემოდის უზომო მთვრალი) კამბანის გაუმარჯოს. ვასილს გაუმარჯოს (შეხედვს ვახტანგს) ოპო, მოდნი კავალერს გაუმარჯოს. (დაინახავს კოლიას) ააა, ეს ბალიონჯოების მამასახლისი აქა ყოფილა!

**კოლია.** (მხრების აწევით) მე თქვენ ნებას არ გაძლევთ, რომ ასე მიაგინოთ.

**ვახტანგი.** (იასონს) მე თქვენ ვაგისწორდებით.

**იასონი.** (ამოიღებს დეფორმულს) იქით დაიკარგენით თქვე ტარაკანებო. (კოლია შიშისაგან სტოლქვეშ შეგარდება, მაშეოს და ვახტანგს გული წაუყვ, ფსილი მათ აბრუნებს, დიმიტრი იასონს აშოშმინებს, ცრუაძე ფანჯარაში გადასტება) ქანდრის კაცები, წიწილეები დამიწყებენ ქიდაობას; ვის ეტილებით ვის? მე... მე, იცით ვინა ვარ? ლაწირაკები!..... სულ დაგხვრეტავთ სუყველას. (მდგრის) ერი, ერი ერისკენა, კეკელჯან, ჩვენ წავიდეთ ფერმისკინ კეკელჯან. (ჩაჯდება სენარძელში და სიმღერაში ეძინება, კოლია ჩუმათ გამძვრება სტოლქვეშიდან და მიამარება, მოსურნელებული ვახტანგი და მაშეოც მიდან, მათ მასდგეს დამიტრი).

#### XV

**ვასილი და იასონი**

**ვასილი.** ბატონებო, როგორ მოგწონთ ამისთანა ამბავი? რომ ჰკითხოთ ყველა საზოგადო მოღვაწე! ფუ.. დასწყევლოს ღმერთმა პროვინციაც და იქ გაკეთებული საქმეც! ზოგი როლზე გაგებუტება, ზოგს ქალი უყვარს და ვიდაცას წაეჩხუბება, ზოგი აი ასე დათვრება და ჩასკდება, ასტეხავს აურზაურს ერთი სიტყვით ჩემი მუშაობა წყალის ნაყვია და ნეტი არაფერი.

#### XVI

**ვასილი, იასონი და პორფილე**

**პორფილე.** (გულსიკვამი) პიესა მევიტანე, მარა

ახლა თუ კილო სლუჩია მოხდა და ვინმე არ იქნა მოსული, მამა ნუ წამწყდება ერთ ვინცხას მოვბრეგავ და მერე ანასტინ ჩემ საქმეს! (შემოდის სენარძე და იასონს სძინავს და შოთათვს ძილში, ვასილი ჩაფიქრებულია) იმე, იმე, რეიქნა აი ხალხი... (მირჯვარს იწერს) დიდება შენ სახელს უფალო! აწი და რავე სლაპიტელი ხომ არავინ დააღვეინა ამ ხალხს?! რავე დარბიან აქეთ იქით (ვასილს) პიესა მოვიტანე ბატონო.

**ვასილი.** დადვი სტოლზედ.

**პორფილე.** სად წვივდენ, ბატონო, აი ხალხი?

**ვასილი.** ნუ მკითხავ, ჩემო პორფილე.

**პორფილე.** რავე, ბატონო სლუჩია მოხდა რამე თუ?

**ვასილი.** ერთი უბედურობა იყო — კინალამ კაცი მოჰკლა.

**პორფილე.** (გაკვირვებული) ვინ ბატონო?!

**ვასილი.** ვინ და შემოვიდა აი ეგ ვაჭბატონი, (იასონზე) ამოიღო რევოლვერი და კინალამ მოჰკლა ვახტანგი და კოლია.

**პორფილე.** ნუ ლაპარაკობ, ბატონო მართალია თუ?

**ვასილი.** კაცო ერთი უბედურობა იყო, ქვეყანამ გაიგო და შენ ვერ გაიგე?!

**პორფილე.** იმე, გვეიგე რა ქვეყნის ტილიფონი კი არ მაკერია ყურზე. სიდან გვეიგებდი? მე შენსას ვიყავი და აქანე აი ამბავი მომხდარა. მერე და ვერ მოზრივთ აი იასონია თუ რაცხა ქალი.

**იასონი.** (ეღვიძება და ზორთავს უკანასკნელი სიტყვები ესმის) ვინ მოზრივონ ბიჭო?

**პორფილე.** ვინ და შენ, რავე ლუბენატორი ხარ თუ პროკლოვი, რომ ვერაფერი გაგიბედოთ!

**იასონი.** გაჩუმდი შე ვირო, თვარა ამოგაძრე სული....

**პორფილე.** ვის ამოაძრობ? რავე, მე ვახტანგი ხომ არა გგონივარ, ან კოლია, ისეთ მოგთელო რავეც ნაბადი — ისე იცოცხლოს პორფილემ.

**იასონი.** ხმა, კრინტი თვარა გაგხვრიტე.

**პორფილე.** ვამხვრიტე რავე სალდაცკი მიშენია ვარ თუ?

**ვასილი.** მოიცა პორფილე, გაჩერდი.

**იასონი.** არ გეიქროფ ხმას?

**პორფილე.** იმე, იმე, ნუ ხვარხვალოფ, ყმაწვილო, თვარა წააგები ჩემში მამაჩემ ზალიკას არ უნახავს ხეირი და რავე შენ გგონია ვაგატან რამეს თუ?

**იასონი.** (წამოიწერს, რევოლვერისკენ წაიღებს ხელს) მაშ არ გაჩუმდები? (უნდა ესროდოს).

**პორფილე.** (სწრაფათ წააგებს სკამს ხელს და დაარტყამს იასონს, იასონი წაბარბაცდება და დაეშხობა ხალ-

ზე, ვასილი გარეთ და ღება უვარდილი და იწვევს სს-  
შველათ დიმიტრას) არ გაჩერდები! აგიც შენ, შე  
ტყუილო პროფეცორო, შენა. (ამ დროს შემოდის  
პრასთაფი, თან მოსდგეს ვახტანგი, მამაკო, კოლია და  
სტრაქაეკები).

**პრიხთავი.** დაიჭირეთ ორივე ვე ავაზაკები.

**პორფილე.** Я ничаво, ბატონო, ონ ხოჩიტ  
სტრელაიტ. ია უღარლი...

**პრიხთავი.** შეკოქეთ ორივე!  
(ფარდა წელს კშეება)

გოგია.

### გუკულის ნაამბოში.


რაცხას იმისთანას ვიტყვი რომე სიცილით ნა-  
კერაზე გაირღვევით ყველა. გამიხდა მამა მძიმე  
ავათ, კრუსუნებდა სულ ერთავათ, დაუმტრია რაც-  
ხამ ძვალეები, გადანაბა თვალეები და ჭერში დაიწყო  
სქერა. შევწუხდიხ შეილენი, გადავარდი და მეფი-  
ყვანე ათასნაირი ღობტურები: წითელი ფერშალი,  
ყვითელი ღობტური, ლურჯი ღობტური, შეიქნა  
ამბავი; ზოგმა თქვა—თიაქარიო, ზოგმა—შავი ქა-  
რიო, ზოგმა—ციებაო, ერთმა მკითხა: თუ ატყო

უფრო რას იტყენსო.—რას როტავ თუიცი, მე თუ  
ვაცოდე შენ რეიზა მოგიყვანდი მეთქი. მოლაპარაკ-  
დენ ღობტურები, გამოჩჩიეს ყურები.—ყველა? კარ-  
ში გაით რიცხა შტუქას ვიზამთო. ვიველით გარეთ.  
არ გასულა ნახევარი საათი. შეიქნა სახლში ყვირი-  
ლი და კიჩინი: მიშველეთო ყვიროდა ბაბაი. გავ-  
ხეთქეთ კარები, დუშინეთ სარები, შევცვინდით  
და იმისთანაი შენ პეტრიას იქინე რომ იყო; მიებენ  
ბაბაიზა ფეხებზე ბაწრები, წიწვადენ იქით-აქეთ,  
კაცი შუაზე კალამ გიერღვიენ, ერთი ცივ წყალს  
უთხრიშინებდა თავზე!.. დივებდღვენით ღობტურებს,  
მუჟრთეთ და მუჟრთეთ, დუშულილავეთ ცხვირ-პი-  
რი და გადავრეკეთ ეზოიდან.

ღმერთმა დალახეროს და დაბუჯგუტოს ამფე-  
რი ღობტურები.

ბუჯგუტი.

„მათარხი“ ჯერ-ჯერობით გამოვა დრო-გამო-  
შვებით. ხელის მოწერა არ მიიღება. ვისაც წინან-  
დელი გამოწერილი აქვთ ისინი მიიღებენ ყოველ-  
ნომერს. კორესპონდენტებს ვთხოვთ მოგვაწოდონ  
სადღესო მასალები ყოველ კუთხიდან მოკლეთ და-  
წერილი. ზოგ-ზოგ აგენტებს ვთხოვთ ანგარიში  
გავვისწორონ.



— რაგორ არი ჩემო მინისტრო ფინანსის საქმე, შეიძლება ჩვენც ჩავერიოთ ომში?  
— ძალიან ცუდათ არის დიდებულო, შიშხილით ვიბოცებით.

ნებადართულაა სსმხედრო ტენზორისაგან. სტამბა შრომა. რედაქტორ-გამომც. თ. ბოლქვაძე.